## 求 闕 齊 弟 子 写言

賈淵 年設局捐釐其捐效查照籌餉事例分案請獎公接辦後酌 求闞齋弟子記卷三十 草程每引分出 安徽產茶州縣定制按年赴部分領茶引配運自 吏治 **閱齋弟子記**一卷三十 茶課 **消未請部引左副都御史張芾督辦皖南軍務於成豐** 南無從分别又經署總督李鴻章比照落地稅名目 四 敘捐銀 引銀釐 頂則分案請獎節經奏明奉部核准嗣 銀捐銀三項統歸軍偷撥 東湖王定安築 用其引銀 因

中 **徽甯池三府屬庄茶引捐釐章程十** 刊 年 成箱後在該縣報明請引照繳引銀捐銀釐銀公費銀鹽時一級箱後在該縣報明請引照繳引銀捐銀釐銀公費銀鹽時一級所繼之本縣分各 派員駐局經管所有引票捐票釐票俱用三 皖 以來商民相安軍需亦有碑盆茲錄其章程於左 解皖南道聽候撥用各縣按月申報牙釐局皖南道茶引票給付各地方官不得於三票之外多取絲毫所收敛再 南 設立茶引局由皖南道督辦由安慶牙釐總局綜 **繳清銀兩領照售價其收項仍照公原定數日** 地方官不得於三票之外多取絲毫所收銀雨 條 聯票式本部堂

一〜物州向章定以每引收茶草銀三錢茶捐銀六錢公費銀三加三倍議罰如有重動一律照加照罰罰以一成留卡給賞 **长周繁拍子記**一〇〇二十 茶之地一處完釐應即核計加增每引定繳正項引銀三錢公 抽查如有偷漏照釐金章程補交正項引銀捐銀釐銀公費另 茶花色箱数箱內淨茶筋兩統計成引報明後該縣親身點箱 庫秤淨茶壹百貳拾觔為一引箱皮不計各商請引時報明洋 **崧屬出江西之茶應由景鎮饒州吳城湖口等卡經過削不** 費銀三分捐銀八錢釐銀九錢五分共應繳銀二兩零八分 分此外運出機境逢卡抽釐現在定章仿照餉鹽章程統歸辦 茶引定以司馬秤每觔合庫秤十六兩八錢按十六兩

程完納概不在此數內 罰該三處採辦洋茶如不在以上各卡之內不得持此票爲 |八日日||アノエノコーコー 食等費 一分皖南道扣留一分該縣扣留四分作爲辛和 抽釐 皖南茶引局省城牙釐局及該縣承辦茶務均需辦公經 聽各卡抽釐其應完內地子口半稅由該商照通商條約章 池等屬出長江之茶 但驗明釐票查明箱 (每引三分釐金每引九錢五分之 **准其詩獎此次毎引加捐** 應由華陽鎭安慶大通荻港等卡 數 一律放行如箱数不符照章 一錢共計八錢仍悉 內牙釐總局 紙張書役飯 扣 費 留

- 照寫的 附 向章與 算所有茶引茶捐茶釐均照章抽取 文其零星不及石者應免抽釐以 一小販袋裝毛茶售與各洋莊向不請引亦無茶捐名目經過 縣現歸左 洋莊雙熟茶亦按照十六兩八錢庫秤一百二十觔成引扣 **圆落户产记了公二** 院札行總局轉飭各該卡驗票放行不重抽釐抽捐又婺源 近各卡應照十六兩八錢庫秤每一百二十觔抽釐錢一百 例 概歸皖局抽收江西經過各卡由本部堂咨明江 **給捐票俟茶開運後各商將捐** 撫部院設卡抽收應 律核獎換給實收 1恤小販 **併咨明照辦以歸畫** 照呈繳安慶牙釐總局 西 撫

婺源茶所得引捐釐各項銀兩由皖省糧臺另撥還左撫部院 工用发写二、一个天二二

糧臺備採

過江西安複各釐卡照驗放行 南道查明曹章並察看情形酌議章程詳候核奪 **採辦北口茶不照此例所有應完複州茶引茶捐茶釐應由皖** 向來內地容商販運行銷內地簍茶箱茶及建德向有西商 核定章程應出示曉諭徽甯池三府屬商民遵照並通飭經

直隸之大河凡九共不經東西二從而徑入海者有三其經過 東西二淀而後入海者有六六者之中惟汞定河滹沱河常泛

河

**炭修近十萬兩中隔數年輒復另案發帑加培土工自道光!** 再 就 僅發四分之一矣近雖由劉長佑奏請嵗發五萬而司庫支 **闕齋弟子記**一卷三十 能 行履任審度情形奏明與工惟查永定河工從前每年部 베 一年後而另岸之土工停矣自成豐二年以後而歳修十萬 故河隄潰決被水之縣甚多同治八年正月公將抵直 期到工以致隄身處處受病常常潰決上年 任疏言臣於河工素未講求出京以後擬先看永定 無妖鑄墊不能不奏請先從部庫借撥又 一萬而部撥之閩海三萬山東三萬 淀 爲民 間田廬所佔不能容納衆 四 南四汎 掇

水之地不為不寬奈淤塞太久河中壅成沙洲高平堅實 蕃生遂使河之中洪有窄僅數丈者水勢逼而無 **提身處處潰決議者多思更改河道以 永逸此宜預先** 兩隄高於隄 三尺且有河身與隄相 加倍 臣思數百里田廬墳墓百姓豈肯遷改且 外之 兩隄 陳 目前断難 民田一丈二 明者 に限高 地 新河淤成高洲 平者兩隄相去約三四里許中 堅實經 而河淤 一丈不等高於隄內之河身 月 亦高是勞費 久恐須添籍巨麸乃 公疏言臣查示定河見 南隄作北院而於 又將改徙何處 **派**所洩則衝 此河

來 中 後雖經費屢加而辦法則仍三者幷舉頗著成效近數十年 疏溶下口銀五干兩眾修者培河上 p) 五六七八盛漲之月冬膙 春乾涸時挖河身之淤沙也潜下口者疏三 目臣愚以為當此窮極思通之時宜復挑挖中洪之 易等与子己·■/×··· 洪之 查 個之處倘餘數百丈挖出乾淨之土近南岸者覆 三角淀淤成平陸而濬下口之 地挖凡春深秋盡之時此 法廢矣雨法雖已久廢而 车 初定章程战修 正堅冰之月不計外其餘 銀 河有水之處 法廢矣河身久不開挖而 部撥經貨仍留此兩數之 一之兩隄也挑中洪者於 |角炭之尾間 不過 ī 中洪銀五 於南陽 五筒月 一数十丈 法每歲 地 冬 挑 均 厥 叫

續行具奏目下||三四月尚有最要之工上年南上汎決口本 關銀三萬雨均無報解消息現擬即日與工趕於四月初間 之各處要丁 未堵塞南四汎南七汎兩處決口雖經堵塞尚未開挖引河合 無餘釱可以挪用相應請 開挖節節開挖河患或可少減是否有濟臣擬試辦一二處 顾君身一言 第二二十 岸者覆於北隄雇車以運遥隄之上引溜以趨新洪之中年 物下戸部借發銀六萬兩趕修河工一 司庫銀兩因去年僅發兵餉 到削行解部歸數 一共估銀十 一萬兩經戸部撥山東銀三萬兩閩海 八年三月公疏言示定河角上等工 · 季刻下須補發 一俟山東及閩海關之

求闕齋弟子記 | 卷三十 九分工程擬於四月初七日合龍臣應親往查勘驗收 修兹據該道等稟報三月初一日開工現計大壩引河已有入 銀一萬數干雨札飭永定河道徐繼鎕候補道蔣春元分投與 工嗣臣由京來任先到工 初六日因感受風寒囘省派道員任信成赴南上 口驗收南七大壩引河各工初五日驗收南四大壩引河各 |年漫口失事經前署督臣官文奏請部撥經費擇定今春動 大壩引河各工南上 一日公出省馳赴工次初三日馳抵永清之小惠家莊初 地段太短原估銀數亦覺過少不能導溜東趨因酌 一決口於初七日丑刻合龍公疏言現 次周厯履勘查得南七南四引河丈 | 南下等汎收 四

通 乾之際 報 龍此次南上金門又合旱龍 楊疏言竊 河每合旱龍民間常不放心上年南下南四南七各 靠 **永定河新修隄工合龍歷經麥沢水漲穩固如常** 鎕候補道 其合龍正摺應俟經過大汎水漲後再行具奏 固引河尚屬寬深究不敢遽謂十分可恃兹將大 與否猶之新練之兵未與賊關 河 中無 趕 一游春元分投領欽與辦前據報 水係合 上汎漫口等工經臣奏派示 臣亦殊不放心雖勘驗壩基 凡 新築之隄未與水 不知其能勝與否是以 初 引河 八概情形 定河 五月1 亦 均

展末與水關究末敢遂信為可靠當經聲明先報大概情形 「現本與水關究末敢遂信為可靠當經聲明先報大概情形 「東京」」ファスト走伯虽易印境坛里固引河深通但新修 經歷盛張 八九尺塌埽悉臻穩固啟放引河導溜東趨當派員弁兵夫連 好公司行户 跟水直抵南七初七日申刻徑達尾間滙入鳳河全河復 道蔣春元稟稱五月初三日未刻軍水直抵壩前水勢撞高 一先據該道廳等估需銀十 准 形勢極爲暢順毫 本 再將合龍正摺另奏在案茲據永定河道徐繼錦候 出省囘省日 撥数 已 10.2.1.1 與辦臣出京時先赴工 無阻滯等情會報前來臣查此次南 期先後附片奏報在案因前後 萬 餘兩經前督臣官文奏蒙 一次沿隍親歷風 引河深通但 新

**疉出者則通工之受病可想而知臣因取該道等所呈估摺按** 习展了了言 第二十 尚須加挑寬深因與申明昔年挖潛中洪之舊例謂引河若果 高年甚一年遂至於此否則浸溢失事之案從未有似此兩 **應添培高厚者有應酌增塌場者全河可慮之處均擇要添做** 照所 懸情形 1. ] 覆核覺南四南七引河丈尺淺窄地毀亦短 深通即中洪亦已疏濬名異而事實相同新工與舊例相合當 太短到工叉遲各汎左支右絀不得不因應就簡以致踶愈於 二年以後前此所定經費僅發四分之一迄今十五六載領針 原估銀數外酌加兩倍增銀二萬二千有奇此外隄埝有 一類廢情形何遽至於此極旋復周諮博訪愈稱自咸

之候補 應 河各工候補道蔣春元派駐南上督辦漫河兩壩鑲築事宜 天恩免追賠外宜各繳發天良認眞報効並又遴派熟諳河 闕齋弟子記|||《卷三十 同知鄒在人南路同知蕭履中等多員赴工襄辦該河道 領之欵均於二三月一律撥發許爲奏乞 **錦派駐南七督辨雨岸培隄切坎築壩挑淤事宜及南七** 於本年應領晟搶修銀內指欵速辦仍許以事定酌增銀數 不准絲毫扣剋下不准絲毫浮旨其大工估定之銀與軍 雨以補嚴搶修之不足又與該道及廳汎等嚴定約束此次 **一務須癙除向來河工舊習一切購料辦工事事力求眞實** 知府徐本衡候補知縣陳贊淸朱錫慶等暨地方官西

驗監催 倘有清水二 壩員弁率領兵夫趕辦鑲進水占壩邊接做水埽層 築土櫃養 面 引河先是龍王 加壓厚土多派兵丁層 下關門埽加 引 委員分辦報袋該 涧 現均逐 |水盆金門口僅剩五丈餘雖上 南下南 三尺深即於 |旋據呈報擇於 釘大樁均係該候補道蔣春元逐日在壩 廟以下河身節節 勘 四引河加深展寬添長地段各工亦經按 河道 層 律 四月初七日丑刻掛織合龍追 徐繼鎕督率員并堅做壩埽疏 深展寬裁曲取直添挖 淤塞並有高仰及坐灣 初 |游甫經水涸而壩 日 並添做 興工 一督飭掌 夾土壩 |料密簽| 壓到 壩 前

護埽並將各處 埝 做 、堵築南 號 律全修雖 関係部书 下南 溝 可慮 十號 胸 五號圈隄十一 伏 丽 南 子記 上汎 秋 韵訪民間皆 挑水壩北 南 刷 **獲發靡有定程** 三南四等沢加倍隄埝添做土 近切坎工 七南 精 一處漫口實將通 神隨時搶護務保無虞臣於四日 迤下均已 四下汎鑲 四 程均按添估之 稱 三號土工 引河臣尚嫌其逐漸偪窄難容全溜 此次工 事難懸揣 做埽段南 一程堅實已爲近二 並添做魚鱗埽段北四 復 一十汎之 克 **胚**雨岸各險 應即責成該 飭 四 幂 汎 屬趕辦完竣是 **隄埝塌埽均** 四號 北 ዚ 三沢加築 月初 一十年 加做 如 肵

**宸**厪 其餘七千餘兩現筋堆儲料垛酌備現錢專為盛張搶險 無 信成馳往驗收據覆工堅料實足資經久目下渾水漲發自 七引河之 可撥削札飾長蘆運司在於復價項下撥銀三萬兩解赴 |次應用旋經批定此数以||萬二干餘兩作為添估南 験收 ドラグランニュードラフニ 阻堪以仰慰 下新做壩埽均經洪流 五月公疏言二 引河大堤各工其南 用卽所謂以引河之新工復挑挖中洪之 脚四跃道光中医係每年在 |月中旬臣飭委趕修||永定河工 衝刷悉保穩固大溜鋪滿暢行引 大壩 引河各工亦經候補 舊 因 例 固 道 四 無数 用

求闕齊弟子記一卷三十 接示定河道徐繼鎕稟稱查通工形勢以南上南下為最險而 修防於無事之時擬將挑挖中洪疏濬下口兩事歸於歲修年 發同治二年劉長佑奏准免發半票然折扣之餘每年所發 銀 例領欵內認眞典辦縱不能遠復舊額亦不得不酌量加 數干兩至咸 普律出槽 尚不足四萬雨臣愚以爲與其與大工於失事之後不如 慮山水滙汪 月永定河節次暴漲公疏言本年宣大一帶得雨甚大且 四各號新工尤形險要因十八號以下引河過於逼窄浸 拍岸盈隄情形十分喫重該道督率廳汎各員分 出 四年僅發一半叉改爲半 山口勢必異常漲發郎於五月二十八日 銀半票改為司庫 勤 愼

方搪護正 刷 塌 日 一分的 西戌之 岸 在 | 愈搖 及 往 同 汎 間大 員弁兵招 於工尾二十餘里之間 雷 搶辦問三號又 餘 王維清 丈 愈高串 雨 風 阼 黒之間措手不 满水浸過五號隄埝趕郎 集 起激浪騰空 村民 報 万 北 復馳報水勢直漫隄岸危險萬 跑買 四 値 沢 日 及理 土料 + 北 風 片汪洋水 四下沢五 狂 力 三號 合據實東 公始得漸 四號起 溜 設法搶救不意一 因 至北 掛柳捲 臻穩實 號 至北 水越 報 四 通 由

3 屬咎無可辭現在伏秋雨汎接續將至訊期正長上游險工 胸 無可挽救查勘此次漫口係由舊減河順流而下被淹村莊 五過河查看北四下沢五號漫口已經奪溜刷口門三十餘 断不能徑赴五河又復連夜渡河折回南岸二十二 **闕齋弟子記**卷三十 將歲拾修年例應發之銀全數早發亦冀全工 金臣又加撥一萬餘金為数已鉅原黨引河加 河隄工前經臣親歷細勘實屬廢施已極第上年請帑十 人口無傷现已趕緊備料盤築裏頭以防續塌等情臣查永 無虞乃北 處所尚非 四下沢五號竟被漫越隄頂刷塌三 本年新工之失而本愿本汎各員所司何事實 |擇要修培庶 長中洪加寬

緊防護除飭委候補道蔣春元先行馳往查勘嚴 祭引河淤墊無多擬於半月之內設法搶辦翼蓋前愆今已半 月屆滿堵塞漫口尚無把握是以出奏稍遲合併聲明如果於 六日止共進十二占連 進占澆做夾土壩挑築背後土工並鑲做邊埽 **永定河** 日之內僥倖搶辦合龍再當專摺由驛馳奏 加意修防仍速盤築裹頭以防續坍再此次漫口據該道 不能容受全溜河身既不能容則隄埽處處可處座應 道徐繼錦真稱該道自六月初二日起晝夜趕 來河身並無中洪本年所挖南 四南七引河 加壓頂土 七月公疏言

難微幸成功特因該道廳等急圖自續是以姑准試行今功敗 極滷猛勢若排山金門口墮鏤墮塾壩前水愈攭愈高以干餘 急異常兩壩十分喫重該道不惜重貲竭力跑買無如伏水性 致虛處經費等情具稟前來臣查此時正交初伏水力剛勁本 强争减可以保全大壩引河均尙如故已派弁嚴密防守亦 人搶辦三時之久迄未能追壓閉氣又值水適驟漲勢更難與 於是日卯刻掛纜測量金門口水深一丈二三尺不等溜勢湍 合龍因十七日大雨竟日兵夫不能站立是以改至十 **垂成實亦意中之事且全河受病已久下口太高無尾間可以** 尺其河 身於墊處所引河溝工 一亦經間段挑挖本定十

**嚴蔣弟子言 《卷三十 洩中洪太淺無河身可以暢** 方没決口 中洪疏濬下口二 水支河一 新城縣境地勢低窪舊有大清河一道又有永定河金 數今春日 單薄處處 之處故泛濫為患耳將來秋冬合龍之後必須將挑 臣委清河道 道 門數十丈 一料銀一萬二千餘兩 可虞不決於 一者認眞等辨庶可補救萬一 民籍辦以災害切身均各 因示定河漫流迸浑愈刷愈寬致淹 理學會 八此或溢 流 印使 馳往履拗督同該代理 於 因 、彼總 北下四沢幸 無数可籍 坐河無可歸之 伤縣勒 七月公疏 鸭 知

定雄縣等州 鄰封破從 合龍魔將 永定河 初 理 料實不料 リミーナ 九日 縣 東岸青炭地方又開漫口二十餘丈本境暨下游瀾 日 開 收 均經該代理縣吳光鼎勸捐紳民堵築完固在事之 內外兩道長隄加高培厚修築堅實 一律工竣報 工四月初 五月二 於 別州督 民合力捐築即於六月初三日開工初九日未 ---縣均被设溢又經該代理縣吳光鼎勸集紳民 四月初六日經過該處就便到工勘明委係 同教 七日合龍二十六日 由布政使盧定勳轉詳請奏前來臣 佐神耆隨砌臨催且築且挖蝦報 一日因上 游 山水滙汪大清河水立 一律完竣適臣前 晝夜監催至 州 時 查 並 赴

官民 處處潰決爲患勢不能盡用官帑由本省派員監修能就本縣 录 嚴 產 弟 子 記 ■ 《 卷 三 十 議勞稅章程限制甚嚴凡所擬詩 候補道蔣春元前往署理籌度與工許飭 於五月二十 印委神董洵屬認與出力自應奏請獎勵以勸將來惟悉奉部 又蹈去年之覆輒兹據蔣春元稟稱自八月二十 擇其尤為出力者酌保數人聊以示勸 口是否無阻 程疏陳酌擬辦法并請撥欵項曰永定河北下四汎隄岸 【勸捐興修量子獎敘則各屬水患易弭於大局實有裨益 日漫決接連伏秋一 一勘明免致此處甫經合龍彼處又報決 動輒違碍惟直隸河道極多 一汛未克合龍八月問奏派 **周壓下游詳加** 九月公核定永定

道寬至數十里由道光 五日督同文武員弁周厯查勘查永定 四十八號並無隄身水出則浸淹一清東安是改歸北岸之議 **逗形勢極順無如三十一號以下河距隄身太近其形甚窄 加行或歸中道而行均下抵鳳河以達於海遷徙不常兹勘得** 一傍北岸之河北七頭號至三十 河形勢亦順無如間段淤墊太長漸成平陸有并無河影 需經費過鉅是引歸中道之議亦未可行惟近年水傍南 頭仍引入中道距南北兩隄均逭 可舉行其舊行中道之河若由北七工三四號向望河樓 一十三年至今所謂下口者或傍南岸 一號均係河身寬深距隄亦 一綫順流無所依傍直 河自南北七汎以

求闕齋弟子記 堵閉 一險 **院內坑塘太深頭分引河太窄是南七之六七號實爲下游第** 號即係初近下口喫重之地查南七五號同治六年漫 大溜甫過該處水上場面與隄相平岌岌可危現在陽身受病 已鼓裂塌陷幸去年南四決口該處未經過水今年南上合龍 ·與舊挑之河身相接并於南七工頭二號做一 此道而行人力稍覺易施惟下口旣傍南岸而行則南七 因限於經費未將攔河大壩修復合龍之後凌汎張發 係道 擬向前之第 光二十二年以前之故道目前水入下口不能 五村之東南隅另挑引河工長七百 苉 截水大 口秋 後 凯

也南六南七北五兩岸以上至張家墳西頭工段甚長紆曲 餘 至龍王廟上 或切 水水 以下五百丈亦宜 **閱齋羚子記一卷三十** 河槽稍宽及雕鳳 **丽有奇此南七羽近下口預防** 图 撇 坎順 則壅積難下以 去盛漲來時或 下河身甚窄並未刷寬須加挑至十二丈寬實 · 動只存南五十七號兩處次驗之工其餘一切 一積難下以致上游擡高急應節節挑挓或裁賽 下四壩土 |挑寬加深估需實銀||萬八干兩有奇: 衛前辦之隄估計土 河較近之區姑置後圖此 一均皆蟄陷坚實惟秋汎以來 pJ 勢同建瓵徑行 危險擬辦引河壩埝之工 **一塌** 無滯此 疏通下口之 項需銀 也

**經過之處隍身處處堪廣四次工程共估需銀八萬餘雨伏乞辦中洪下口則合龍後水勢不能下行不惟新工喫重卽凡水** 時用過之費共估需銀二萬四干兩有奇此堵合北 二四尺不等新估背後之土加寬 向南轉寬以順來流引河又須加挑以通去路供前此搶辮 也此四者惟北下四沢堵口係屬正案其餘皆係另案然 11グリニュー ジェ 現尙有十二三丈應行進占金門口水 以求撙節等情具稟前來臣查 時超辦至向來方價 署督臣官文奏請帑項十 加高又添做養水盆河頭 料理皆有常例此次剔 深一 永定河工 四決口之 除積 气

司庫借 裁減又加扣去捐欵則河員之領項愈微到工之實銀愈少 核減銀九千兩准其一 該道暨各員勘明不辦中洪下口則水勢不能暢行仍恐合龍 兩已屬非常之舉今春又須專欵八萬殊覺 後旋即失事隄身受病已久本屬在在堪虞臣不得已札飭 恩允准臣 **發給現銀免致廳汎有所籍** 之所以日壞皆在於此臣愚以爲欲整頓河務必須停止 撥現銀再於歲修項下按年攤扣歸欵歲修等銀久經 春間 到工 面與辦至由外勸捐厯年成案皆係由 又於南 四南 口即以作弁兵夫役之氣合無 引河增撥 |糜費過鉅第既據 <del></del> 銀

伏撥 才服孫身一一一人光二十 别 南七六號添做壩埝係近日應辦之工 **俞允臣當分别辦理張家墳** 聖蔣亮鑒如蒙 一者皆多年失修之工 發今年直隸水旱報災近七十縣民力窮困藩庫無可動撥 恩飭撥部銀四萬兩下少三萬餘兩臣郎於江南協直項 修銀三萬四干兩搶修銀一萬七干兩備防銀一萬五干 造報庶不失順重帑項之義是月公又言示定河向例年 地地 脚銀八干五百兩均於先年歲終由部庫請領久 一即用部撥之欵其北下四沢堵塞決 帶 挑挖 中洪龍王廟疏通下

旨允准於是較之向例可得四分之二每年可發四萬七千餘 同治二年前督臣劉長佑以部議徴放旣停止鈔票則永定河 各半送於河工歲搶修等銀亦發半銀半鈔向之每年發九萬 求關齋弟子記|≪卷三十 萬雨是以到工之費甚少向來嚴慘銀兩本有挑挖中洪疏濬 四千餘兩者至是僅發質銀四分之一不過二萬三千餘兩矣 遵辨在案成豐四年因軍需浩繁庫吳支剎奉部議定減半給 下口二数 兩矣然司庫扣去部平及攤捐等欵每年所發實銀尚不滿 厥後領欵尚存其名而修工則無其事近年領銀 四

詢通商大臣崇厚旋接其覆書亦謂宜從下口施力永定河冥 宜與崇厚先挖下口之說相輔而行合無仰懇 **挖使渾水直達海河與潮汐可以相接藉潮力以汲引使下游** 之處每日海河潮汐可以達到能從韓家樹下口節節向上 少隄埽已極草率而中洪下口更置之不論矣臣愚以爲欲彌 不能停積自上游不處壅遏等語其言似屬可行臣雖未至下 正下口在天津西北之韓家樹地方惟永定河與大淸河滙流 口蠹處而雨次到工見河身無槽之處甚多竊以爲常疏中洪 部核議准將積年裁減歲修搶修等銀再加撥一萬

愈允此項銀兩部庫整難發給司庫亦極窘迫擬請於長蘆 難者挑河所出之廢土仍堆積於河中不能違送限上一遇 無其器而年年挑挖究亦不無小補 其器則挖出之土送於隄上 吹水蕩不免壅塞河槽之內終非可久之計臣現札上海機器 工蛟後必須總督親往收驗如其草减浮盲立飢參劾罰賠所 用每年桑乾及九十月間奏明修理下口若干里中洪若干段 局詢問洋人製器有能送土於數里之外不甚縻費者否果有 干餘兩較之道光年間原額酌復四分之三每年共發七萬 別はお子でしていたこと 一半爲修堤搶修之用以一半爲疏濬中洪下口之 加以夯硪固屬 如崇 勞永逸之道

庫先發 **舊章每年發崗搶修銀九萬四干餘雨亦仍以** 識淺陋鬧於河務但見河身與隄相平隄工難於得力不得已 思專從下口中洪致功是否有當請 口阻礙之 百飭下戸工兩部議覆施行奉 日依議欽此 月 龙岁二、150 月杪到任後即帶同熟諳工程員弁循河履勘凡中洪下 半挑潜下口中洪届時應從何處支發俟數年再議臣 一處均已 年以濟要需將來部庫充裕或仍復道光年間 十月公疏言據署永定河道蔣春元稟報 次第勘明九月初即督同在事各員認眞分 北下四大壩與南七新壩層上 一半修隄搶險 該道

験收北 應 月初十日率周朝賀之後出省登程先起固安查勘北下四 門気をあった 届堵築漫 病根 再循引河勘驗下口 埽 四大壩引河各工 面開築 规 工祗將漫口堵完引河挖通即為蔵事 **验收南七大壩** 於十月十二 已 //////// 中洪疏通 久違是以專從下游著力一 日便至天津二十二 追壓 二]日合龍臣應親往查勘驗收定於 一十四日驗收張家墳等處挑挖中洪 均臻永固中洪下口 引河各工 1使大溜建瓴 日公 三日旋 十六日至天津之 行抵固安縣之曹各 省 面估築 引河各 月公疏 雙

邊埽密簽長樁加壓厚土層土層硪夯築堅實井添做後戧 竣寬深丈尺皆與原佑相符并無短少試放清水極爲通 其中洪下口引河委員按段排挖均於十月初十日前 大壩董率各員鑲做邊壤悉係深槽密格層土層硪均臻堅固 茂壎掌管北四大壩督率各員嚴飭兵夫愼重進占接做· 限房身子言||**《**卷二十 次會同前任道徐繼鎕及各委員分別經理石景山同知 茲據署示定河道蔣春元具稟自興工以來駐紮 壩堅築土櫃養水盆署南岸同知朱錫慶等掌管南七截水 金門口僅賸 上潰及此塞彼決之虞當經該道逐條詳稟臣即 四丈五尺愈收愈窄水深一丈四五尺不等當 四下 律

員極爲出力可否准其擇尤保獎應請奏明辦理等情具報前 滿暢流下注隨下關門大埽層土層料追壓到底惟金門口以 頭 下尙未斷流復經不惜重資撤手跑買併力搶辦竭晝夜之力 一、蟄幸兵夫雲集料物充盈隨蟄隨鑲悉臻穩固當即挑挖河 夜直達鳳河尾間並無壅滯全河復歸故道兩壩」律鞏 隨派弁跟踪查看據報十二日午刻至十四日辰刻未及兩 十三日已刻全行閉氣金門以下養水盆旋即斷流並無慘 土梗啟放引河建瓴而下迟如箭激大溜掣動引河全槽鋪 飭各員趕辦善後工程 一日卯時掛纜合龍水勢湍急異常兩壩均形喫重同 外此次調往委員並在工廳汎各

擇尤保獎之處恭候 ントラフラー 程因時近寒冬急求滅事恐河員不敷由省調委多員相間 則盛漲亦無可虞新任河道李朝儀已於十月二 口毫無阻滯此後但能按年挑挖修治隄埝俾河身不甚 |據署道蔣春元查明極爲出力似應量子鼓勵可否准其 印該道廉正耐勞隨事認眞講求河務當有起色至此次 逐 帶所挑中洪南七以下所挖引河拍岸暢流直注 公以滹沱河改道北流己閥兩年各屬被害亟 一勘驗北四下汎暨南七兩處爛工均各工 月疏陈大概情形 維直隸有五 一十六日履 河子牙 淡

居其 受其界術節淤淺臣抵 縣 東鹿深州安平饒陽肅宵河問獻 河從晉州藁城之間改道北徙遂與滏陽河不復相通因浸及 河間大城靜海等縣由天津縣之海 **阅解书子记录第三十** 月初旬南上 至衡水武强會合淦陽河經過獻縣而後名爲子牙河又逕 縣境逕靈寺正定葉城等 均被其忠而交安大城受害最重俗所稱文安大窪者也 其 上 一游即滹沱河也該河源出山西繁峙縣入直隸 一合龍又飭淸河道挖潛淸河口亞古城龍 任後飭永定河道於三 縣下抵晉州前此滹沱由晉州 縣任 下游寬入大清河致清河 河入海自同治七年秋 **끠保定雄縣霸** |月間分段趕 州各 修

經費 哑 開辦究亦不無裨補惟滹沱河未能與工一 6 水<u>澳</u>去三尺有餘淺處一 思涸復 變 該縣之東隅開挖迸莊引河由王口歸入子牙 則因該河别無去路是以久未議定而文安被 爲洪 河亦未能 段積淤并挑濬府河修建石閘厥後永 田業遂會商大城雄縣兩縣 湖 水漲 大城雄 一律深 水源 析離居 涧 通是微臣抱愧之事然一河皆 縣 律 调 栖 任 共 託 111 種稻滿擬秋 饒陽 思 肵 仍 與上年 安 紳民捐貲集衆自行 滹沱 平等 收 剧 可望 相 則 亦 等不特文 因 藩庫 河將 不料六 害 大 日

入甯晉洎今河已淤塞難容巨水且滹沱挾水至多亦不待會 怡賢親王亦奏稱冶河引入沒河則滹沱之猛可減然沒河本 其勢者查元時曾闢冶河自為經流不與滹沱相合雍正初年 終不得息仍恐數縣交訌激成巨案此皆最切之患不可不急 為修治者也臣數月以來博采羣言有議改平山縣治河以分 相持不決現雖經委員彈壓勸諭暫停械關而水患不除爭端 鎗砲器械傷斃文安守隄民夫七月九月迭次爭關兩造洶洶 商誤運所關亦鉅且文安與雄縣交界有西隄一道文安則聚 衆築寒堵禦上游之水雄縣則聚衆掘開以洩本境之水竟用 断流向之由西河運鹽至順廣正趙等處者今則舟楫不通鹽 垩

獻 若隠若現絕少大段槽道勢難開挖且前明至今涉沱屢次遷 徙 挑也有議從去年新徙之道開濬以復其舊者查晉州下至武 同冶河方能為患是分關冶河未必有益也有議由雄縣之辛 强二百餘里河徙之後一片麤砂舊道多成平陸間有河形亦 之境文安形同釜底若導滹沱橫貫縣境則永遠爲患且迸莊 **莊挑引河入王口鹽河者查辛莊至王口八十餘里皆穿文安** 王口亦並不能暢洩河水以救目前之急是辛莊引河更不宜 逻档 從不能挽回改道而行誠以河因高壅而决水徙砂停斷 縣囘子牙之故道者臣派員至該處測量高下人力似 觀是故道不能竟後也有議於南旺村開通 引河以

施 と別系与ト己、父ニート 然泛濫鹽運仍然不通此獻縣之不宜開挖也有議開王村廢 道自葉城東門外起經晉州趙州甯晉之境計共河路一百日 開王村開未必有盆也这經委員查勘迄無定議最後派委清 十餘丈深至一丈餘者雖亦多有游平若就此施功尚可著手 前樓村迤南尚有乾隆五十九年迄咸豐元年滹沱間行之 河道費學會候補道陳重前往細勘另籌修治之法訪得稟城 不惟不能多消滹沱積水且恐引西淀之水灌入文安大窪是 間 ·里至冀州邵村下會淦陽河形尙存其下游且間有寬至 引滹沱之水分消西淀歸入大清河者查大清河地勢較 田 畝皆膏腴之 地百姓不欲開河且 由獻縣修治 豆

习限 对身 了言一笑 以堵塞之高二丈五尺底寬十五丈頂寬五丈兩旁依次遞減 費學會等於十 該道等於九月履勘繪圖貼說會同稟覆臣批令會商藩運 览七十 司酌辭欵項設 計五十餘里以迢旁溢而固壩基其引河之新開者 惟旁無隄埝築壩無處生根擬按修土埝長九干 百三十四丈擬挑寬二十丈至十餘丈不等又晉州境內工 丁丈以下接入舊河間有平灘至晉州界止連前共長九千 門外壩前起至陳村舊河首止裁灣取直共長一千一百六 **丈接連兩岸老次嫩灘共長三百一十丈擬築大壩** 法與辦并的令再赴藁城 月底囘省勘得薬城新徙河口水深 一帶覆加勘估兹據 [擬自藁城 百五十丈 **丈面** 

|亦須察看與情權衡事勢乃能定局臣本擬於明年二月與丁 急拯文安等處之災惟經費太巨前在天津與運司商酌擬令 征今已起征者現在皆成熟地若民間求索地價則多寫尤難 萬惟壩埝所占之民田若民間索取地價則多寡難以預定又 預定論大河官工之常向無價買民地之理此費本屬可省 引河所經之處應納地糧有從前除額今未升科者有從前緩 確估定數者據稱專就引河壩埝工料計之其數尚不過十七 九干二百七十丈約計估銀二十萬兩有奇該道等所以不能 四百五十丈晉州境內工長二千八百五十丈甯晉境內工長 **阅察弟子纪一卷三十** 百八十丈藁城境丙工長四百丈趙州境丙工長三 慧

謂該河性善遷徙即就東鹿縣志而論自順治乾隆百 從籍措 一徙二十五次一 淤今僅築埝溶河 多質本薩薄性最鬆 橫流經過築隄埝於伏流之上 勞或謂滹沱 下有伏流往往水尚未至土已选 而訪語衆論皆稱修治滹沱河身毫無把握之事 兩將來: 河 不議歲修旣有歲修必設 縣 剽悍激烈不受約束隄防愈堅衝決愈甚 按 勉 如此他縣可知遷徙旣無定所修築 救目前仍非 浮從前怡賢親 引攤捐數 一野難 年歸欵此外尚短十餘萬 一經久之計若必遠樂長 裂居民見而預遊不久即 久恃或謂滹沱河挾 王修治之時亦係旋 將來日增無 年 亦 之 間 或

裁奪則是非得失可以折衷至當而遲至明秋則籌欵購料等 後焦思迄無長策兹擬改於明年八月秋收後籌定經費再行 恐巨数付之一擲不得不徘徊瞻顧然念文安之淪爲巨浸 ころ可以アンフト 事措置亦覺眼豫 **台勅下部臣核議此雖彌吏之責本不必重煩廷議惟水患廹** 與辦理合先行具奏請 縣之互相關爭及西河鹽船之別無運道又不忍置之不問反 乙費而水害仍不能免臣正慮籌馱之無着而聞此數說者 **畿郊當此衆說紛紜或辦或否或有良圖得在廷臣工討論** 稱本年凌汎届期派委文武員弁分駐要工往來防護因 T. 1.1.1 九年三月公疏言竊據永定河道李朝

等溜勢汹湧與厯年大沢無異南岸之南上南下南 四南五南六南七等工北岸之北下北二下北三北上四北下 出尤為喫重當即督率文武員弁動用存工料物趕緊搶鑲 陷其平工處所亦因溜勢變遷刷坍灘次情形均關緊要而南 石土各工悉臻穩固稟報安瀾請委前來除飭該道督率廳 添埽埢由一律保護平穩兹於三月十三日全河冰凌融銷淨 四北五北六等沢或河流頂衝或溜勢測定各工埽段粉粉聲 言南下南三南四南六南七北二下北下四北五等汎奇隃迭 水勢漸落下口通暢蘆溝橋現存底水八尺五寸兩岸隄埽 潔身子言 | ≪ 卷三十 **氷雪融化河水叠次增長自八九尺至一丈一二尺** 一南三南

實因南五工報到十七號情形尤重當即馳往督辦途次接據 段蟄動均形危險該道督飭廳沢各員分投搶護始得漸臻 六月公疏言臣於本年六月初七入等日各汎迭報長水南||| 三角淀通判朱津禀報南五工十七於初八日夜水漲溜急掃 |之六號十四號南四工之九號十二十八等號同時水工埽 日午時水勢續漲 村民跑買土料加高子埝一 **汎漲外所有|永定河淩汎安瀾緣由理合循例恭摺具** 失油 加 意 巡防並 刷隄身間断漫水情形十分喫重當飭汎員弁兵多 將應辦歲修及疏濬事宜實力趕辦以 不止狂風大作駴浪騰空越過埝頂刷開 画掛 柳捲由多方搶護不意 | 禦伏

仍未一律深通此堵彼決在在堪虞本年疏濬下口方在竣 請參奏前來臣查示定河廢弛已久底高隄薄上年奏請み年 疏濬期以數年之後方冀稍有補救現甫挑濬數處全河中泓 臣已委派候補道員劉樹堂前往驗收乃下口工程甫畢而南 行堵壩大汛陡發水無所容而本廳本汛各員究屬專司河防 **一餘丈無可挽囘現已購備料物盤築裹頭以防續塌等情稟** 號查看猶冀以人力厄天無如浸口紫經奪溜門口刷至一 殿齊弟子記 ||《卷三十 門十餘丈實屬措手不及理合據實稟報該道當即馳往十 一十七號遊報漫決雖由河身過高堤埝過薄所有開場全 可貸該道禀內又稱三角淀湿判朱津駐防南七大壩

**晉將臣炎部議處臣現在天津查辦要件不克分身前往即當** 防範 徐銓革職無庸留工以示嚴懲該河道李朝儀統轄全河疎於 情有可原與尋常疎忽者有問臣復查所陳均屬質情相應請 旨依議並著曾國藩馳往查勘迅籌辦理欽此 五險工得信較遲迨星飛前往則十七號口門已開始護不及 防否公員馳往查勘嚴飭上游各沢加意修防仍速盤築裏頭 以防續坍棒 日河水迭漲南七壩埽喫重墮時督同沢員搶護未能兼願南 **旨將三角淀通判朱津革職留任其南岸五工永清縣縣丞** 惟到任木久應請革職留任以觀後效臣督率無方請 会公

球膜療弟子言 人卷三十 所在有之故兩省特多無三之田同治十年御史黃錫彤詩 古屯田之法酌設屯營選招湘淮兩軍散勇於沿江一帶開墾 事當經遊派候補直隸州知州廖獻廷前赴皖北滁州泗州 以固江防而復正供奉 万官招撫流亡其間尚多絕產其因村莊焚燬未遽復業者亦 (無三之田自成片段不與民田錯雜方)可撥兵開屯不致生 一論著會國藩察看情形悉心妥籌具奏欽此 蘇安徽克復逾十載毎歳徴收不及原額三分之一 日伏查江皖雨省荒田以安裰爲多而欲試辦屯田必得干 屯田 十一月公覆 雖經 仿 地

陽類州 等處共計二十三州縣荒熟田地大致與皖北相捋惟皖北 地禀報幷於查畢後囘省面呈淸摺據廖獻廷所查皖北等處 頃計皖南則皆以畝計除婺源休甯黟縣邧門等處並無 七百餘頃定遠縣荒田尙有一萬一干餘頃蔣志拔所查皖 共訂二十 另單開 所指為荒田最多之區也臣囑以查得干畝整段無三者 九十餘頃太和 **關裔弟子記 《卷三十** 太平宵國嶽州池州廣德五府州逐 等四府州逐 出旋據該員等每至一州縣即會同印官分別荒熟隨 州縣荒熟田地多寡不一其最少者霍邛縣祇有 縣則並無荒田最多者如宿州荒田尚有五千 查勘候補直隸州知州蔣志拔前赴 查勘此數郡者肯眾 印行 皖

成 與熟田交互錯綜無三之田復與有三之田互相錯綜光牙糾 紛猝難定為何氏之產間有荒廢已久無 領無力開墾或開墾之後已熟復荒其中情形参差不一 外其最多者如歙縣及建 陌 最 或見官爲開墾則又紛紛呈請指為| 可指 多然皆畸零分布不成片段從未有大宗荒田截然成阡 一遇問撑試 () 尚有荒田八十三萬餘畝以上各屬荒田若論總數 明疆界者該田三或遠出未歸尚未承領或業已 墾者 「則叉聞 平均尚有二十六萬餘畝宣 多厥後湖北客民前來開 風而出爭日此吾業也何得冒 己業指爲親族之 人承認衆皆指為 田 承

私强以力之所難已非情之所與而又須與土民爭有著之業勇自戰之餘一旦授田計食含錦礟而親耒耜置操演而就耕 為最著充國所屯者敵境幾中之田也祗所屯田當漢末兵 正恐成效未著而獄訟繁興安得處處廣置委員不屯丁與鄉 兵開屯即古者闰兵於農之意其名甚美而其實難行務農爲 二十年之後兩界無三之田也今院省用兵雖久而無十年之 之爭乎自古言屯田者邊陲以趙充國為最著中原以棗 民中最苦之事農夫一年之獲不敵勇丁一月之糧各營散 先發派員清查今查辦已問四年而主客爭田之案尚轇 亦可見無三之田難於迅速定案類如斯己至於撥

率從事伏乞 求閱濟弟子記一 興屯政至江蘇未墾之田以江甯鎮江兩府為多江甯七屬官 聖鑒訓示疏入 公以同治八年調任直隸於時西南各屬災歉較 復者荒地雖多而鮮干畝無三名者此次細加查 非敢畏難苟安祇以度勢審時必無實際不敢浮慕古法輕 臣常常接見鎮江官紳臣於巡閱時亦嘗詢之俱云雖有荒 可而江皖屯田之議不果行 而大段無三者極少不過數年客民與土著亦次第開墾矣 政 卷三十 勘實難

**长周新书子记 86三十** 饑民相卒效尤各匪乘機竊發必至貽害地方奉 心亦多浮動給事中陳鴻超奏現聞各處已漸有均糧等事若 大名府則與曹州接壤捻幅餘匪或潛伏其間其開州等處人 隱忠欽此 **赈濟如有應蠲應緩之處並著趕紧湊明辦理以惠災黎而** 二府各屬所報災歉情形均不甚重與臣在省所聞者不符 一論著會國務迅即派員查明各該地方被災輕重情形分別 豐天津河問宣化正定次之順天保定深冀易趙定等府州 **均在歉薄之列南路大名廣平順德為最下入九月間** 人剪亂心又處不府屬之清河威縣毗連河南安陽等縣 十二月公疏言查本年直隸收成以永平遵化為 荢

或左村四分而右村五分百姓起而相爭以爲參差之處或涉 年之差皆視其災之分數以爲區別而分數悉官之一言為 豈能恰如其量同一 不論貧之極次又有普賑一月之例旋又有續賑摘賑大賑加 **販之例蠲免則有七分六分四分之別緩征則有三年二年次** 重初報災時不論災之輕重即有先發一月口糧之 「ことと」「一一一一一一一一一一一一一一一一一一 而民間之所爭甚鉅故州縣之不樂辦吳非盡恐免徵之後 私即將來之或獨或緩多賑少賑高下懸殊分數之所辨 **訝蓋州縣積智多以** 自服事繁重對百姓則易於見怨難於見德對心 縣也或東鄉九分而西鄉六分同一 辦災為難緣荒政之條例甚嚴關 例厥後 鄊 斷

大名道 格於成例狃 調劑大郡開東長 不為最大名次之順德又次之緣順郡沾百泉河之 引気が与こ 則易於見 八州縣之地兹據錢鼎銘稟稱伏查三府中旱歉情 錢川鉛親應各處認與稽查借重編門牌之 於臘 秋問偏得 **平成安邯郸及** 過 廣郡則磁 月內疑齊稟報該升道旋即出外查勘編 於積習所報 難於見功耳臣前聞南 陣雨雖 三處 家 因 州清河威縣最佳雞澤曲 得黄河之 九屬高下不同要皆可以支持 或有不實不盡 年縣毗逋 澗 肥郷之 三府災情 轉款為豐南樂清 田面 數十村莊及 赐 盖 周稍次而 較重恐州 升任按察 )便抽記 利井地 厯 無須 形以 豐 使 極 府

借貸今年災廣告貸無門名日極 有按口給錢最爲直截了當但勘災宜細判等差而望澤殊 耶永年為次重大名元城一縣為略輕此七處急需設法 分彼此嘗接見久官直省之守令輩愈謂本年 關民與又安能因喧廢食反復 各屬中著名災重之 區紛紛觀望不肯輸納則將來酌辦抽賑必致多所窒礙 旬餘轍迹所經體察眞情博採輿論種種成法皆不易行 兩縣爲最 縣就各縣中署名災重之村復於 苦之區尤以 推求惟有寓賬於貸之 |肥郷廣| 平為極重成安 酌辦緩徵災 尚

於陶祭弟子紀一卷二十 **次貧之戸固須接濟恐各屬災輕之區亦宜普為設法届時春** 月間再行酌辦暫且不必調劑若果雪澤不沾春雨復少此等 秋成後酌量清運不日賑而日貸則鄰近災輕之區無可比較 **而實則賑矣至災區中之次貧者本非無告之民類皆有田之** 口每日給制錢若干小口減半由本村公正紳耆出具保狀俟 致生鲲鲲之心二月中旬開辦辦竣後即大張告示宣布 ,或有他技濟生或有春收指望察核情形尚可支持至三 仁挨村曉諭概行蠲免毋須清還俾窮黎得沾質惠名爲貸 出獨定戸口偏行榜示某戸某口加恩酌借口糧兩月 屬難於着手是惟虔禱天心之仁愛默爲轉移庶幾 盖

米散銀 被害較重遠近周知錢鼎銘擬用酌借口糧之例以暗行其賑 之實期則寬以兩月足救春末之饑惠不及於次貧足杜旨 **糧之例廣平等七州縣據各屬原報雖有尚不及五分者** 牧之愆尤或 一分者准酌借來春口糧等語五分乃極輕之災本有准借 鄭所議尙爲妥協其按 即交錢鼎銘經理賬鄉事宜預弭畿南無形之患大局 餘人所費亦殊不貲合無額懇 不如發錢者恰相符合惟七屬貧民每縣或數萬 部於天津存儲現錢項下撥制錢十萬串由天津運 可稍逭等情 | 藥覆前來臣查|| 戸部則例內開 口給錢亦古八所稱施粥不如

罗明帝年已回公二十 民亦稍佔便益倘有商賈流逼糧價不甚昂貴則無須由官 消 則較市價略貴羅出則較市價略賤庶米商可廣爲招徠而貧 亦不足深慮若賑邺之地無糧可買尙應擇要設局不糶雜 必有極次斷不能無向隅觖望之人亦不能無倖澤爭競之事 皇仁最夢,足法最多然法之最善者分數亦必有輕重貧戶亦 朝遇災鐍鄉之典 甚微臣幸甚至於以貸為赈係恐災輕之區或生覬觎之心故 借此名以息爭端惟我 之脈郎也亦可但使稽察精細心術公平縱有觖望爭競當 藍 削

**跨谕及設局不難各事宜均著照所議辦理欽此** 串 城等七縣為最重 泉司安為散放以拯災黎如各州縣仍有沾染前時積習不能 7 公疏言上年災款以畿南之肥鄉廣平成安邯鄲永年大名 該處次貧一尸口 局是亦當預為議定者也疏入率 力奉行者即由錢鼎銳稟明該督指名嚴參毋致澤不下究 由天津派員運至大名交錢鼎銘收領並著會國務衡令該 輸嚴南災歉較重白應設法補救以請地方並覺該督所陳 切具臻妥協即著崇厚在天津存储現錢頂下撥制錢十萬 仍着該督察度情形於來春分別赈邺其給示 經臣酌擬寓賬於貸之法奏懇 111111 九年五月

萬五千兩委員滙兌解交以備散放又由省派委刑部員外 程查清極貧戸口刊刷貨票大口定以制錢一干文小口減生 唐娛章等前往辦理該臬司錢鼎鉛會同委員等酌擬條紮章 陳蘭彬准補大名府知府李與銳侯補知縣王福謙侯選知縣 飭發填寫旋據津局委員先後解到鹽平銀 項不敷飭在運庫由邯鄲等處引地存儲標錢內暫先借銀 |大名変升任泉司錢鼎銘經理因恐水運運滯 **圆新治子记了松二十** 萬七千七百 恩准於天津存储練的現錢項下撥制錢十萬串由天津 九十二串廣平縣 何干該臬司親身先往照料派發肥鄉縣 萬八千串成安縣 萬五千雨 줊 並恐原請錢 萬 制錢 郎 鋑

萬二十二百六十六串二百文又發迎護錢船及各縣運錢車 毫統計除支尚餘制錢六百四十三千二百文鹽平銀八千零 理各縣應賬之戸挨次逐一編查所賑之錢按村逐 一十九兩二錢九分二釐現存大名道庫此次寓貨於赈該泉 串邯鄲縣五百六十二 百串五百交大名縣一萬八千三十五串五百交元城縣 厰局薪水費用等項共銀二千九百二十 兩零七錢七釐 會督印委各員首在稍察侵冒嚴絕遺濫務令窮民得沾實 N7 :: -|串五百交叉銀四千雨||永年縣六千

思旨 賑 多有未符如定例 向 歡忻豉舞咸頌 国为成司台下上了一一次大小11 來 月數又復不等此次查覆情形不盡以州縣分數為定又係 數 **服極貧酌放兩月此不合部章之一端也定例被災五分** 來辦理賑務 **邺秋收之後並不賈遧此又不合部章之一端也定例應販** 春 概子蠲免毋須繳還告示飭發張貼曉論災區百姓莫 有用過 口糧: 口日給米五合小口二合五勺折給米價各省不等 此次借貸之法不問被災分數叉名雖借貸實 數目各縣均已據實開列清單呈報在案惟查 例應由藩司造册報部此次奏定辦法與部章 加 **販月數視被災分數為差而極貧次貧** 加

**宅朦混** 、分小口減半小建仍復扣除此次酌賑兩月大口給制錢 配一对方字二、言字 年十二月酌 經費其時尚未酌定是以未經預奏現在辦法既係變通 鄉各村選用鄉董酌給盤費係屬部章所無而向例所有每 正委各員皆 跟役斗級各名目叉係此次辦賬所無種種難符定例之處 八小口半之貧民所得較優此又不合部章之一端也此 H. 石定價銀 辦者始准酌量開報各屬賠累己多若令遵 屬廉慎將事奏撥馱項皆係涓滴到民略無 操辦法之奏均經預為陳明為放賑錢數及 鄉盤費及設局之用均經節令自己 兩 鋑 照章扣算大 毎 月 合銀

求**妈**齋弟子記 《 & 三十 徐州銅沛之交毗連微山湖湖地涸出百餘里肥饒宜秳麥咸 **勅部准免造册報銷以示體卹奉** 該縣賠累已甚應請 均屬實在情形合無仰懇 例 天恩俯念此次賑貸係變逼舊章辦理賓惠及民亳無朦混各 己鉅等情據該臬司錢鼎銘詳請湊咨前來臣查該臬司所詳 節節需費州縣難於措辦是民之受惠者甚微而官之受累者 造册報銷恐部中仍執書章駁斥轉多窒礙難行詳司達部 湖園 美

徙其地久之 徙及歸見昔之巨浸為|良田遂爭訟不已居民則謂客民霸 事官吏不能遣因 就所佔地畝設局丈量定三等科則納 有三之田客民則謂己田全係湖荒之地相持累歲屢釀巨案 賴股匪居團內土民本與湖團為深仇至是愈以團民勾捻 運總督吳棠等迭次入告奉 地既沃美又屢値嚴豐漸以富饒先是銅沛民避河患皆 辦卒未厳事同治四年十月團中莠民密約捻衆竄沛迎 五年間黃河沢漫山東曹州皆被災難民唐守忠率衆遷 **公是時唐守忠父子方以爲賊殉** 聚至數萬人分族結案自固而湖團以名當時在 NA E 租充

訟在徐州亦無招捻之窩臣再將資遣事宜專疏奏辦而臣之 **数資造回籍現經兩次派員前往山東鄆城鉅野等處察看該** 與勦捻大有關係臣擬將逼捻之國酌量懲辦其餘數萬< 國民原籍尚足安插否如可則遭之東歸在沛縣可免佔產之 命駐師徐州遂於同治四年十一月二十七日疏言湖園一 患而臣之赴豫可以稍速疏既上十二月郎將京控湖團之 |開而||良團與莠團亦復眞僞莫分適奉赴豫勒埝之 自り式れる ニュロー 歇華等逐一研究分别良莠定其去留仍飭提督劉松山以 豫則須稍遲 叛逆日之呶喋不休公慮土客相爭若不為之所必且日尋 | 如其不可安插臣亦不勉强駈遣在徐沛不無 MARKET 1

為團也該處濱微山昭陽兩湖西岸南迄銅山北跨魚台綿 師五干前往彈壓並酌辦善後事宜 习剧深身子言||《卷三十 言臣於上年奏復軍情摺內附陳銅沛境內有與勦捻相關之 一團南趙團日于團雕團侯團均以肖事者之姓爲名昔之 百餘里寬三四十里或二三十里不等其在魚台之團有一 者山東曹屬之客民墾種蘇齊变界之湖地聚族日衆立而 勒限驅逐安分之唐趙等團仍留徐州先後具奏在案查湖 即今之刁團也魚台兩團以東民居東境人數寡而墾地 魏國任團 案<u>巫宜查辦以</u>杜後患今年正月復將通賊之王刀 其在銅沛之團有八日唐團北王團北趙團日南 五年二 一月初八日公疏 延

國 多三客搆訟幾成不可解之仇溯查咸豐元年黃河決於豐工 其時銅沛之巨漫已為新涸之沃地相率寄居於此銀荒爲田 正當其衝於是鄆城嘉祥鉅野等縣之難民由山東遷徙來徐 田均已滙爲巨浸一片汪洋居民流離遷徙以爲故郷永成澤 下游沛縣等屬正當其衝凡微山昭陽之湖地錫沛魚台之民 求關於弟子記《卷三十 以其形迹可疑飭縣押逐囘籍繼而來者日多復經沛縣稟請 以東民實係被災困窮擬查明所佔沛地押令退還其湖邊無 一經官為處置漸以相安無事惟銅沛之八團人數衆而墾地 不復顧戀矣厥後咸豐五年黃河決於蘭儀下游鄆城等屬 棚為屋持器械以自衞立團長以自雄前任徐州道王夢齡

重 退還者又僅 為山東客民之產固已心懷不平而長官議定所佔沛地押令 **醋之地通築長堤名曰大邊以清東民與土民之界限遂得** 孰爲湖荒孰爲民田茫無可辨沛民之有產者 旣恨其霸 民當豐工初決時流亡在外迫後數載還鄉親此一 無產者亦咸抱公憤而團民特其人衆置之不理反或欺侮 **日尋關爭遂有不能兩立之勢咸豐九年侯團窩距搶封** 各團據爲 地暫令耕種納租經前河臣庚長批准旋識勘丈湖荒 三則設立 託豬空言並未施諸實事且同此巨浸新涸之 永業此東民初至留住湖團之情形也銀沛之 |湖田局招墾繳價輸 租充餉又飭於沛團 一片汙地變 區 卽 創

沛民之 遊童招墾輾轉更置是為今之刁團同治元年又有東民在唐 華等與劉莊事主劉際昌先後赴京以新團一 遂 闒 道帶兵剿辦平毁新團此咸豐六七年後客民擅逞迭醵巨 指使情同叛逆請將各舊團 之情形也新團旣毀捦斬至干人之多并將團地退出謂可抒 山 有攻破劉莊 逤 鄭家集經徐州道派兵拿辦並將該團民驅逐出境另 外佔種沛地設立新團屢與沛民械關爭控至三年六 ) 慣而折其心矣乃沛人質生張其浦 **寨連斃數十命之事經漕臣吳棠飭派徐州** 概勦辦各情在都察院呈控 **張士舉文生王** 案唐守忠王盟 鎭

j

į

Ė

**邀失水退而田復被佔其懷恨與訟自出於情之不得己近則** 論旨交吳棠等密速查辦旋經吳棠以唐守忠來圓最早其名 环膜游弟子市 | 卷三十 **搆訟仍復不休臣博採輿論昔年銅沛被害之家被水而田產** 構訟之人並非失業之戸不過一二刁生劣監設局飲錢終歳 概指為通賊初至有領地之價後來有輸地之租而訟者不問 **搆頻旣以强客壓三激成衆怒又以奪還大利歆動衆心官** 著核諸所控各詞毫無實據且與原呈不符不過欲將新舊 或為持平之論訟者輒目為受賄各團豈無安分之民訟者 訟不特團民苦之即士民亦以按戸派錢為苦而三訟者多 概驅逐而奪其成熟之田等語奏復在案而沛人紛紛

訊據生捡賊供亦稱南王團有人圅約賊來百口 刁鳳平日窩匪與南王團相等此次賊退之後臣飭徐州府 研究未得三名而 中該 周龄序产记 一条三十 赴各 赴臣轅控告各團呈 膹 健訟不顧其安之情形也上年八月臣駐紮徐 之原委必欲盡逐 為剖斷至九月間捻衆東寬遠近採稟均稱湖 團練董唐宁忠其子唐錫彤其叔唐振海帶練擊賊 **國察勘情形旋據復稱以捻首牛賴各賊目均**住 **鳳房屋糧草器具完** 不時該 此數萬 詞累數十紙臣以案情重大實兆兵 團窩匪搶刦積案纍纍情實可信 好如故其爲縱容賊黨亦無疑 而 後快此 叉新團旣勦 一詞雖反種 州銅沛 画 縣 壯 辨

莠其有契串各據產業爲圓所佔急求清還者是土民之長者 提翰訊原告旣多捏名供情亦多支飾其爲刁訟生事亦屬無 華等一 其為並未通賊亦屬確有可據而沛縣上年京控湖團之王獻 也無契串產業但知飲錢搆訟激衆怒以與禍端者是土民之 即殉難甚烈之唐守忠仍加以叛逆之名稟請一律劉逐臣親 團或憑圩禦賊或圩破被害遭賊焚擄殺掠其情狀憑歷在目 可置辦臣乃剖別是非平情論斷不分土民容民但分熟良孰 (執脅之以降属不絶口同時週害除王刁兩團外其餘六 也其平日自安耕種如唐園之拒賊殉節受害極慘者是 一聞湖鹽通賊之語復行連名多人指控各團無非賊黨

然除首犯王長振罪在不赦外其餘要犯未能指出姓名應 後事宜三條敬飭徐 **填據各州縣稟報該兩團業已全數徙去安靜囘籍臣酌定善** 限正月十五日以前逐回山東本籍派劉松 是客民之莠者 即已逐之關王刀兩團平日之裔匪去秋之通 數赦宥以安反側之心此外無辜之衆尤應酌加 朝 ţ 廷之澤現定於鄆城縣設局將兩團原繳地價照數發 之良者 1 已種之麥現派徐州鎮兵在彼屯守待至四月收割 心地遂於臘月下旬通行曉諭的令王刀雨團 州道督同府縣次第經理一旦酌給錢文 如王 團之勾 山帶兵前往彈壓 販刀團之容 體 卹同 知

以期水利之通暢亦免畛域之太明團中如有窩匪通捻重 切事務俟一三年後安置旣定仍將糊圍地畝分歸 再言驅逐之說亦不許土民妄控目爲裔匪字樣盡消爭訟 歸或令徐州同知移駐該處聽斷詞訟稽查保甲籌辦湖 有唐趙等六團留居徐境擬請設立同知一 (明按地升科輸租執業以歸憲一各團所築大隄酌量平 至流離失所矣 給屯田之兵一 一日設立官長以安留在之 大則派兵獅辨視之同於土著永 一半給 兩 團之民 一員俾客民有所 画雨 東 銅沛 兩 團

以爲造士之資縱使民田被佔契票無存私家偶失有限之田 火小考之卷價鄉試之賓與費會試之公車費各准撥田若干 以示限制以斷葛藤其次則培植學校凡銅沛兩縣書院之膏 業之民凡有印契糧票者准其照數撥還無契票者概不准撥 所有罵賊之五品頂戴 田六百五十餘頃以抵侵佔之數有贏無貀 打「ううった 唐錫彤其权 何耕在 縣共盲無窮之利其餘則概充官田派兵屯種兵或不足召 銅沛可解積年之公憤在東民可免霸佔之惡名矣 7 7 //// 佔 衞干總唐振海 民 田然為數要不甚多今王刁兩團退出 州同衡前平陽屯屯官唐守忠其子文 三名同時被害尤堪嘉憫應請 此頃田産先儘

**求胰液并于前**【卷二十

衆構訟之文生王獻華應請褫革衣於以示懲儆王長振現 在 蘇山東督撫及漕督諸臣妥籌會辦外合將湖團一案擬 逃俟辑獲之日盡法處治以爲通匪者戒未盡事宜除分咨 交部從 優議卹並建立專坊以 為草莽効忠者勒 沛 齿 激

太后

緣

由恭摺馳陳伏乞

上聖鑒訓示十三日奉

M 諭 圓 全數逐回山東並剛定善後事宜三條以期各安生業不 **柳團爭利尋仇積數已久此次曾國藩秉** 端所辨甚屬妥速已明降諭旨均照所請 公查辨將工 辦理馬城  $\pm$ 

**求闕齋弟子記──参三十** 凘 與經理撫 **替庚長設立湖田局招墾繳價輸租充餉山東曹濟等屬各縣** 府各官隨時安辨務臻萬全欽此是日又奉 官彈壓按照事宜次第經理之處著李鴻章吳崇督的徐州 上渝會國藩奏查辨湖團分別留遣並酌籌善後事宜 刨 汇蒸銅沛兩縣濱湖田畝前於咸豐元年間因黃河豐工 並許給以半熟麥自不至窮無所歸第人數太多良莠不齊 時被水淹没嗣因黃水退涸變為荒田經前任南河河道 旦失業回籍易滋事端著問敬銘丁寶槙督飭該處官員認 **<b>种唐守忠变部議卹矣駈厄山東之團現經設局發還** 級安輯好得稍有疎虡至安靜各團地方應如何設

及籌辦善後章程三條等語所辦甚屬允協銅沛等縣土民 熟始行爭控亦無以服 圖將客民機行驅逐現 於水退 並有刁劣生監設局敛錢屢以湖田通捻謀逆等詞誣控 因被 戸現經會國滿查明將上年容留捻匪之刁王兩團客 被佔田產並無如許之多其聚衆構訟者亦非田產 遂陸續前赴該處創立湖團相率墾種屯 墾 時該處土民並不呈請認還書產並客民出貲變荒為 客民佔墾控關不休固出於情不得已惟當地方官 歸鄉後因舊時田產被答民所墾日相控閱叠嚷 ... ... 經訊明分別良莠辦理並擬設立同 容民之心且所墾之田亦有官荒地 聚日多 卶 田

求關齊弟子記一卷三十 團首五品頂戴 削革去衣科以示懲儆嗣後倘再有土著刁劣紳民聚衆誣控 土客之見以期永斷葛藤其沛縣激衆搆訟之生員王獻華著 之後該地方官遇有土容爭控之案但當分別良莠不得復存 報官認種以昭平允其餘安分各良團均不得概行驅逐所發 屬飲錢肥已及客民中有恃衆逞强滋事者均著該地方宜 **畝均准其永為世業該處土民不得再行爭控經此次淸** 一數計已有盈無絀凡有印契糧票之失業土著各戸均准 山東本籍所有該兩團退出 幾遍匪在逃之客民正振長著曾國藩嚴拿務獲正法 州同衛前平陽屯屯官唐守忠生員唐錫彤衛 田畝六百五

者該部議奏餘著照所議辦理該部知道欽此 專坊以慰忠魂斫請將徐州同知移紮該地方以資彈壓之處 同時罵賊遇害均堪憫惻著交部從優議卸並准其建立唐振海以上年檢匯館至湖區世界明得和更以重ノゴ **弗子記卷三十** 年捻匪寬至湖園 界時帶隸勇迎擊